

Uqaqviyuyumayagit titiraqvikni, kihiani ayuqhalirama nanihiyaagani inuqagikumik iniqhamik taimailiuriamni. Qanuriliurniaqqik?

Ihumaqhuutiqaqtutit uqaqviyuaaptikni titiraqviptikni inuqagikumik. Inuk munaqhiyuq ilihaqviknik, munaqhiqaqvikmik, katitpakvigiyaqni ahianiluniit kavamanit iglugiyayuyumik ikayuriaqaqtaatit nanihiyaaqni inuqagikumik uqaqviyuaaptikni qaritauyakuluniit titiraqvigiluta.

Ikayuqtulaaqiga huli Nunavumiigtkuma?

Nunavumiutauguvit pivakuvilu Kavamat Nunavumi ikayuutainik ahiani ukiuqtaqtuup, hivayajavaptigit. Ahianiitkaluaruvit Nunavut, pivikhaqaqtuq titiraqvikuuput ikayuriagani ikayuqulutulu.



Uqauhiriyara kinamuliqaa titiraqvikni angiaiyauva?

Hii. Ihumagitiaqtaquut angiaiyauuniriyat. Uqauhirilimagitavut hivunihijutit uqauhiriyatit uvaptiknut agiqtaulraaqtinata iliknit piyaagani. Kihiani, naunaiqat havaktiptiknit kiyaliqaa aaniginiga inuutiaqnikaaluniit ihumaluknaqhikpat, uqauhiriyariaqaqtaquut una kinamuliqaa ikayulaaqtumut. Nukaqhiuguvit 12-nik ukiunit ihumaguuptalu nakuuniqhainiganik ilikni uqaqtiguupkit agayuqaatit munaqtigiyatiluniit ihumaluutiknik, havaqatiginiaqaqtigit qanuq una taimailiuriani.

Nutaqqanut Inulramirnullu Uqaqtikhaanik

Hivayautaa: (867) 975-5090 akiitumikluniit (akiligakhaqaqtuq) humiliqaa Kanatami uvani 1-855-449-8118

Qaritauyakkut: contact@rcynu.ca

Qaritauyaliqidjuta: www.rcynu.ca

Tikiraryuaqrmi Tiibiiknaittumut Naunaiyaiyut Munaqhit

Aulaqtiriallutik October 22-mi 2018-mi, Havakviyuq Aaniaqtailinikut nunagiyayuyumi TB-nik ilituqhainiqmik munaqhini Tigiraquyumi. Munaqhiqaqvik nakharutauyut tamainik piqutinik havautikhaniklu nunagiyayuyumut aaniqrutiqaqmagaa naunariagani munaqtauyaaganilu mamihautinit. Ikayuutainik Kanatami Kavamat, Hamliyuq Tikiraquyumi, Nunavumilu Havakviyuq CGS-kut, munaqhiviulaktuq ihuaqhaqtauhimayut Tikiraquyumi Inulramiit Igluani. Munaqhiqaqvik ayugitut aaniarut naunariagani umayuq takuukhaugituqlu TB-guyuq. Qauyimayauliqut pihimayut Tikiraquyumi ikayuutauniaqtuq havaami piqaruiriagani TB-mik humiliqaa ukiuqtatumi.

Iglumiuyut uqaqviyuyuyut piquyavlutiklu takuyaqtuyaaqani munaqhiqaqvikmit havaktunit ikayuriagani piqaruinqiganik TB-mik Tikiraquyumi. Aaniqatiliyit havaqatitaqtut Hamliuyumik Tikiraquyumi, nunalikni ilihaqvik, Kuapatkulu saniuniqmi hulipkaiyaagani nunagiyayuyumi ilauyunit, akitaqutautit ulapqijutulu taktakhaqaqhutik niqiniklu “payuktuivlutiklu tamuakhanik” munaqhiqaqvikmi Halloween-gutilugu.



TB tamaat aaniarutauhuilaaqtuq havautinit, akhuuqhaqtavulu tamaita inuit ilituqhaqtauyaaqani TB-qaqmagaa nunagiyamikni munaqhini.

Iqittiarhimalugu Inuuhiq Katimayit: Kanadian Hiqquqtiutit Qayangnaitkutikhat Ilihaqtakhanik

Kanatamiutanit Hiqqutiliqinikut Aanigitaagani Ayuiqhavik (CSFC) iini ikaaqqniqni, atauhiqmit malruknut ayuiqhavik amigaitunik aalatqiinik uqauhiriyauyunik, imaitunik:

- hanayaunignik kiquutit, ilaluagit, qanurinigit qanuriliuqniginiklu;
- atuinaqtut hiqutinit aanigitaagani pigiarutit;
- Qaqquu;
- aturiagani hiqutit qanuriliurutinik;
- aaniqnaitumik hanaqiyaagani tigumiariaganilu pigiarutit;
- hiqurariami atuqtauvaktut pigiarutilu;
- munarinigit atuinarialgit hiqutit;
- havaagit hiqutininik nanminiqaqtut atuqtulu; unalu
- aaniqnaitumik tuutquuqtauvakniginik, takuupkaqtitjutinik, akyaqtauniginiklu atuinarialgit hiqutit.



CFSC-nik Ayuiqhaniq Hanirayakmi

CFSC-guyuuq Ihuqaqhaqhimayut ikayuuqtiqaqtunik aviktuqhimayunit ukiuqtaqtumilu, kanatamilu timiuyunit ihumagiyaqaqtunik hiqutit aaniqnainiganik, amihulu hiqutininik angunahuaqtilu ilihautikhanik ilihaiyinit humiliqaa Kanatamit. Hunaqaqngit uuma ilihautikhap munariyauyuuq agiqaqtavakhunilu Piliihimanit Kanatamiutat Hiqqutiliqinikut Havaaganit

ihuqaqhaqtauvlunilu maligani aturiaqaqtunik uiguani 7 *Hiqqutiliqinikut Maligaqyuami.*

Ilihautauyuuq ilitariyahimayuni ilihaiyinit pipkagayunik Piliihimanit atuqtaunighunilu qahaktuni nunagiyaayuni inikhani ila ilihavikni, hamliuyut titiraqviini nunagiyaayunilu kamiunitihaani. Ubluqtuhinianit Qiqaiyalirvianut 2018-mi, ELC-kut atuqtitihimayut 26-nik aulaniqatiahutik CFSC-nik ayuiqhajutinik naini aalatqiini nunagiyaayuni, atautimut 226-guyut ilahimayut.

Tuukhilaaliriagani Pihimaniganik Niuviriaganilu Laisiuyumik, ilihagtuni ilauniq tamaini CFSC-kuni aturiaqaqtuuq hivuliqmi laisikhamiknik uuqtuqtuut. Ilihaqniq iniqtaaqat, inuit aniguqhiyariaqaqtut naunaiyautinik ilitamiknik.

Iqittiarhimalugu Inuuhiq Katimayit

Hivayautaa: (867) 975-3233

Akiittumut: 1-866-804-2782

Qaritauyakkut: embracelife@inuusiq.com

Web: inuusiq.com

Qagitaulyaliquvik ilauyut amigaitut ikayuuqtiqhat attautinun, nunallaat katimayit, uvalu hivungani havaktut.

Pidjutigyaanun Tuhaqtidjutip

Inuusittiarigniq kangiqhidjutaa “inuuaqtigikiit nakuuyumik atautikkut.” Una tuhaqtidjut pidjutiqaqtuuq unipkaanik nunallaatigut inuuhiqattiaqtumik havaanik tamaini Nunavunmi uvalu aalat kangiqhidjutit hapkunung nunallaanun-pihimayut inuuhiqattiaqnikkut hivuliqtit. Atautit makpigaat tuhaqtidjutiqaqtuuq nakuuyumik havaktauyut naunaitkutainik uvalu nutaanik pinahuagutinik. Tugaaqhimayugut nakuuyunik naunaitkutininik hunat nakuuyumik havaktauyut taimaali ayuiriaptingnik atuqhimayainik aalat.

Ihumagiyangnik unipkaamik, qaritauyakuuqtitlutit uvaptingnun uvaniembracelife@inuusiq.com.


TITIQQIDJUTIKHANGNIK

Tititqiddjutikhangnik hapkununga *Inuusittiarigniq*, qaritauyakkut: embracelife@inuusiq.com.

Kangiqliniqmi Inuqatimiknik Pitiagitut Uqaujuqniginik Havaaq

2002-mi, malruuk ilauyuuk Nunavumi Apiqyuuiyuni atuqtumik ihumaluutiqaqmanik amigainiginik nigaqpaktut kangiqoliniqmi naunaiyavlutiklu manikhaaqhanik hivuliqmiq havaakhami atuqtukhanik taiyauyumik Inuqatimiknit Pitiagitut Uqaujuqniginik Havaamik (SAP). Pulaarvik Kablu Inuit Hulilugaaqviat agiqhimayut havaariyaagani havaakhaq munarilugulu havaaq.

Havaami ilauyut ihuinaaqturiyauhimainaqut ihuinaaqturaunaqtuluniit nigaqniqmiq. Havaarituqayuyut munariyinit ihuinaaqhimayunik, ihumaqatiariagani havaktit, ayuqhaqtuliqiyunit, Piliihimanit, ilaanilu inmiknit inuup piyauliqpaktut.



Maliruakhat pikipagaayuq ilauyunut Inuqatimiknit Pitiagitut Uqaujuqniginik Havaami

Piqaqtuq ilagiaruunmik havaamik aaniqtuqtauyunit pitiaqtauginiginik qatangutiriilu nigaqnginik. Ilagit inuqatauyut havaami ilauyunit ikayuqtuqtauyariaqaqtut ayuqnaqnganik inuujuhimikni atuqtamiknik. Aalat ilaulaqtut havaami atuqtitauluaqtunik aqnanit.

SAP-ni ilaqaqtuq uqauhuiniqmiq, quungiaqngiginik atuqniqaqtut ilihautit quungiat aaniqnaqnitunik inuqatiriigutunik, hanatuunqitunik hanauyaakhanik, aniqhaakhaumiqataqhutik tuungaviuyukhaniklu uuktuutiqaqhutik. Atuqtauniga ayuqnaituq maliruakhaq ihuaqhaqtauhimaliqtuq tamaita ilauyut iniqhiyut havaamik piyamiknik uqauhirilaaqtait qatangutimiknut. Munariyuyup maliruakhaq piyaulaqtuq qaritayami kinamiliqaa.

Ilihautikhat uvani SAP-mi atuinariaqaliqhimagayut Kangiqliniqmi Hamaqhaqnikut Iglugiyaani. Una ilaga ilagiartigiya inukmik uqaujuinikut ilitquhiliqinikulu havaani atuqtitauliqtut iglugiyayuyumi. Agayukhiit

ilihaqviani ayuuniqaqtut 10-mik ilihagtut uqavvigiyaahimaliqtuq aaniaqnaqmitunik inuqatiriigutunik auyamilu hulijutunik atuqhimayumi Niqiliqvikmi pikipagaayuq aqnarutinit 8-nit 12-mut ukiuqaqtunit taiyauyuq *Aqnarutit Uqatiaqngiginik Hanauyaattut*. Atuqtilugu havaaq, uqauhiqaqtut hunanik aaniaqnaqnitunik inuqatiriigutunik ilanariyamiknik qatangutimikniklu. Taja havaqatiqaqtut nunagiyayuyumi aaniqnaqnit qimaaviknik munaqhvilitik Aqnat Ikayuqtauniginik Piqatiriinit Aipiutiguraagat Hitamiummilu uubluumaat.



Ihuaqtikhat uvanga *Aqnarutit Uqatiaqngiginik Hanauyaattut* hulijutayuyumi

Aipaagani, SAP-guyut qanituani 80-nik inuqaqhimayut titiraqvikuuqtunik. 25-guyut tikuaqtauyut aaniqtuqtauniginik, 43-guyut tikuaqtauyut pigiagitunik, 6-guyut tikuaqtauyut upautiniginik, 3-guyulu tuukhiqhimagayut inuqatiriit uqaujuqtauniginik, atautimut 869-guyut uqavvigiyauniginut ikaaqqiniqni ilauyut.

Ilautaaqhimalarimik havaami, amigaitut agutit aqnaluluaqtut iliturihimagiraqhutik ilagimik inuujuhiriyamiknik qanuriliurutimiknik avanmut pitiarutauginiganik. Amigaitut ilauyut tamaat ilaavigitiqaqtait uqaujitiarutit ilihautilu ilagiyait, utiqhimagitutik apiqhuivikmut, uqaqhimavlutiklu inuqatiriigutigiyatik ihuaqhivaalinqiganik.

Kangiqliniqmi Inuqatimiknik Pitiagitut Uqaujuqniginik Havaaq

Uqarvikhat: Mary Fredlund

Hivayautaa: (867) 645-3785

Qaritayakkut: sap1@northwestel.net